

欽定古今圖書集成

方輿彙編職方典



欽定古今圖書集成方輿彙編職方典

第七百十八卷目錄

常州府部彙考十二

常州府祠廟考三

寺觀附

職方典第七百十八卷

常州府部彙考十二

常州府祠廟考三

寺觀附

通志縣志合載

江陰縣

乾明光福禪寺 初本二院一唐乾貞時邑人

周奉思捨宅建名崇聖宋太平興國間賜額乾

明一至和中邑人孫諫捨產建名華藏為乾明

院治平中賜名壽聖紹興中避高宗號改名廣

福乾道九年知軍嚴煥請於朝始併為一寺殿

閣崇嚴爲諸山領袖置僧會司其中領寺七歸  
併庵院四十一右有觀音殿其像於宋天聖元  
年泛海至傳爲水沉香所刻明成化間中旨取  
之驗非是乃已弘治七年知縣黃傅以設會聚  
衆有害於民火之殿後有萬佛閣天順中建弘  
治中柱中火起焚燒併延旁翼院宇數百楹嘉  
靖十五年正殿輪藏殿俱火至萬曆十年重建  
輪藏殿十一年重建正殿山門三十四年重建  
水陸堂萬曆甲寅創學使署始削去寺之西翼

皇清順治中城守水師兩營兵丁占居康熙辛酉總  
兵劉驅之僧出金置房以便其遷徙先是康熙  
癸丑學使虞二球捐修正殿法堂主僧智潤受  
洞宗付囑卒塔於華山松陰庵之右

報恩光孝禪寺 在君山麓唐天祐時知縣張  
可琮建名末壽宋淳化改壽寧紹興間爲高宗  
追福之地賜今額元至正壬辰毀明洪武元年  
再建尋廢宣德十年重建明末僧寮悉毀

皇清康熙十一年割其地爲水師之營房

香山觀音禪寺 在顧山麓宋建炎初建為顧山庵元季廢明洪武三年重建景泰中僧玉珂改建請額于朝天順三年賜今額相傳梁昭明太子讀書處

迎福講寺 在南街初名報恩唐天祐中邑人陶靜捨宅建殿梁中斷俗名曰破寺其牆方勝相傳魯班遺蹟中有池復法師擲筆生蓮花明萬曆中因建冰蓮堂于其上

太平興國教寺 在南街宋太平興國中建遂

名之大觀初燼于火惟存浮圖當升縣為軍時即其地為縣宋末縣廢元復為寺至正庚申兵廢明洪武十七年又建其浮圖屢有增修

皇清順治六年七月放五彩光凡一十六次康熙乙卯寺僧照行等重建大殿禪堂修塔  
禪鄉教寺 在利城五代宋黃門侍郎蕭惠開建歷代因葺元季毀明洪武元年重建

皇清增建大悲閣

太清教寺 在砂山麓本太清觀舊址唐天祐

中民人陸頓戴思遠共建宋景德間賜額景德院元至正間改太清寺後兵火廢明洪武元年重建邑人卞榮記成化及崇禎中屢修

祥符寺 在縣治東北隅本古永安院晉庾米宅也宋大中祥符中改今名元末廢明洪武中修建尋圯萬曆中又經重建後殿宇再遭毀廢惟僧寮僅存

皇清康熙十一年割其址建水師營房

悟空寺 在金鳳鄉隋林王氏捨宅建丁弘道

記云隋文帝時林王捐其舍宅植信樹爾藍牆額懸招隱之名位壓澄江之上南唐保大間建鐘樓宋太平興國中改悟空元末火廢浮圖僅存名華藏塔明洪武年間修隆慶中副使薛甲重修

皇清康熙十一年重修

報恩寺 在後梅鎮宋淳熙四年建有塔名報

恩元季毀明洪武中修崇禎中重修

未安寺 在夏港寺西宋咸淳年間徐統制捨

地建元季毀明洪武六年重修

末壽寺 在楊舍宋靖康元年建元末廢明洪

武元年重建萬曆年間修

禮敬寺 在寶塔池鄉宋乾道間建元季廢明

洪武元年重建

皇清康熙年間重修

元妙觀 在縣治南宋大中祥符二年詔建額

曰天慶先是元年正月天書降詔爲天慶節比

年十月令天下建天慶觀元元貞元年改元妙

季世兵廢明洪武末樂間再建道會司置其中

萬曆丁酉盡廢崇禎中復修玉皇閣龍虎殿

大壽觀 在南街南宋末翰林陳錡故宅錡不

仕元捨宅改建四世孫昌言提點觀事其後累

加修葺

皇清康熙十一年復卽其故處建水師營房

能仁院 唐爲重光院在杜橋東唐天祐中縣

令張蘊捨宅建宋咸平六年敕爲承天院政和

六年改今額元末廢或云卽杜康宅又毘山南

麓亦名能仁院宋元豐中勝法師建元季廢明  
洪武元年重建萬曆崇禎間修

皇清康熙初年復修

繖湖精舍院 卽宋放生道院後廢元僧改建  
佛院旋廢明洪武三年重建崇禎間修

皇清順治年間廢康熙三年僧雲岩重建

演教禪院 唐名感化院在軍城新津門東北  
唐天祐十二年鎮遏使秦誠建元季廢明江陰  
侯吳良改建城隍廟

華藏院 在蕭橋之南本名歸雲菴後勅今名  
明弘治間廢

功德院 卽勸忠寺在由里山宋淳熙間建元  
末廢明洪武三年重建

君山禪院 在君山西麓明萬曆中僧永明募  
建

君山塔院 在君山之巔宋知軍顏耆仲請改  
爲感化院元季被兵廢圮

君山竹院 在君山北明萬曆孝廉郁庭芝江

左艸堂故址

正宗禪院 在觀山俗名龍登菴宋宣和二年

建元季兵廢今重建

普濟院 在前周鎮宋咸淳六年建元季廢明

洪武八年重建

最勝塔院 在香山西南慧轂禪師葬此其徒

通昧建邑大司農張有譽撰記銘

福源院 在前周鎮宋淳祐二年建元季廢明

洪武六年重建

圓通院 在崇市西宋理宗朝建元末廢明洪

武初重建末樂初年增大之

仁壽院 在青陽市東南宋葛清孝公建元末

廢明洪武間復建

皇清順治八年改建

兜率院 舊為白龍寺在白龍山上有龍洞唐

乾符四年建宋大中祥符二年改今名詔賜御

書建閣元末廢明洪武初重建有塔名兜率

光嚴院 在長壽鄉陳天嘉二年于光捨宅建

元季廢明洪武十年重建

萬佛林 在春暉門內本黃氏園林諸生黃大澳捨建

十方庵 在朝宗門外本祠山廟明萬曆間僧廣寂拓地建立爲十方雲水暫憩之地數十年來踵事增華蔚爲名藍

皇清康熙壬戌建庵禪師居此改法席貢鴻施田一百畝

普濟庵 明萬曆二十三年孝廉馮時熙捨家

園建池水四週殿堂中峙爲畜放羽毛鱗介之所

皇清康熙十二年知縣龔之怡捐建藥師殿

寶倉庵 在敵山明萬曆中建

皇清順治中玉林國師命徒超敬建屋拓基近庵十里內港悉爲放生所大嚴網罟之禁東有不退禪師塔法嗣僧健守此

九蓮庵 明講師印藏建

皇清順治五年別溪通振禪師拓地建屋規制一新

庵之上有泉諸生夏維炎等建亭其上兵使者  
原毓宗額之曰冷光亭

紫金庵 明諸生董去華室建尼僧優曇居之  
皇清順治間改僧庵後又改火神廟仍僧守之

指柏庵 在香山僧行裕即諸生吳俊彥于此  
勒碑放生

甘露庵 明天啓元年楊僕同子諸生楊蕃捨  
宅建僕即大覺國師玉林之祖

綠蘿庵 在黃田闡西明崇禎中莆田令曹天

### 錫捨基建

澤枯庵 在築塘萬骨塋側塋既成僧即創庵  
設接引像以度六萬七千徇難之靈

飛錫庵 在定山唐貞觀中建法響禪師駐錫  
處虎跑泉在焉宋為壽寧寺下院紹興中賜額

定山寺又唐代宗時有僧為武后族孫號大悲  
禪師賈餗撰其銘曰制毒龍于金山馴猛虎于

定山在江陰則神龜靈蛇之感現在江都則山  
鬼城隍之懼伏其塔名普照明洪武間僧衆犯

科朝廷籍沒之寺廢今庵崇禎末年建

時思庵 在五堡宋末翰林陳琦建陳氏先塋

在庵旁故俗稱陳庵元季燬明洪武中八世孫

按察使璇重修其一在良信鄉洪武二年建末

樂中重建萬曆中重修

顧邨庵 在鳳弋鄉宋嘉泰二年建元季廢明

洪武四年重建

集慶庵 在西順鄉宋端平三年建元季廢明

洪武十一年重建

奉先庵 二一在西順鄉一在清化鄉俱宋建

元末廢明洪武間重建

棲真庵 在白龍山宋紹興三年建元末燬明

洪武元年重建

寧神庵 在東順鄉宋嘉泰元年建又云建炎

二年建元末火明洪武六年重建

妙巖庵 在顧山西宋咸淳元年建一云唐大

曆法照禪師建元末毀明洪武元年重建

皇清康熙丁未建大士閣

三教庵 在華墅鎮

趙庵 在砂山北麓宋狀元趙良發墓上

法鎧庵 在周莊鎮

彌陀庵 在夏城鎮

法雲庵 在五堡順治八年改建

青山庵 在青山宋端平年間建元季火明洪

武中重建

兜率庵 在夏港宋淳祐元年建元季火明洪

武間重建

長壽庵 在五堡古破廟址明崇禎中建置田

勒石

敬親庵 在慶山明洪武初建於茅莊末樂初

徙此

雙林庵 在女山吳元年建明末樂元年增建

涌塔庵 明僧買民居建有碑記

華嚴庵 明學使毛一鷺生祠六郡諸生公建

一鷺黨閹陞蘇松巡撫後閹敗衆惡之毀其像

改爲文昌祠又改今名又東關外亦有華嚴庵

崇禎間指南僧建

琪林庵 本河南五聖祠明萬曆間移建崇禎

初擴後基為僧庵及東平王廟

覺海庵 在君山麓明崇禎間建

十信庵 明萬曆初大中丞袁一驥暨子汝思

建

潮音庵 在黃田港口明崇禎年建

迎秀庵 在南閘迎秀墩明崇禎年建

凝秀庵 在青陽市北明萬曆間建

長樂庵 在天慶門外明萬曆中建

法憇庵 在春暉門外即三里廟址明萬曆間

建

善慶庵 在春暉門外即七里廟址明崇禎間

建

青龍庵 在長涇順治間建有放生河東自南

角起西至跨塘橋有碑記

興濟庵 在東順鄉古港庵故址也有放生池

順治十六年蘗菴禪師居此

崇聖庵 在鋪路橋

光嚴庵 在長涇順治間里人夏洵甫建

青蓮庵 在朝宗門外制本湫隘僧募買張氏

園基拓建

法雲庵 在朝宗門外順治十一年王逸明建

山居庵 在華山南前代已有之明崇禎中僧

人弘慈即故地重建

皇清初又建樓三間基係里民謝姓者林木苦為戕

賊李介立出貲買之力為護持

蓮花庵 在九蓮庵之上右有普同塔

慧寧庵 在石頭港東南康熙年間建

長生庵 在黃崎明崇禎年建

莖草庵 在長壽蕩霧墩任奉江雲祥建

大悲庵 在峭岐嚴家壩康熙年間建

勝福庵 又名石墩庵在馬涇橋南

圓通庵 一名悟石在南門石子街東鳳弋鄉

亦有圓通庵又名後虞宋皇慶二年建元火明

洪武五年重建

未定庵 在未定壩康熙三年知縣何爾彬建

瑞光庵 在興國寺東僧未悟建

大慈庵 在昆山南夏門繆氏建

乘願庵 在春暉門外一里明萬曆末年建

太平庵 在中街先為中社學中為查盤廳後

為土地祠今改為庵又金童橋亦有太平庵順

治八年建

普照庵 在下莊壩後改為叢席

玉池庵 在九蓮庵東

松隱庵 在華山南

德水庵 在馬涇橋南明季黃門別業門臨大

池

皇清曾孫振曾建庵

虞門庵 庵有塔名瑞祥宋天聖二年建元季

火明洪武元年重建又名天福庵

祈福庵 在申港渡口宋大觀元年建元季火

明洪武八年重建

蘆崎庵 在秦望山西北宋淳祐間民人杜賢

捨地建元季燬明洪武元年重建有放生池

報恩庵 在由里山北宋嘉定四年建元末毀

明洪武十一年重建

資福庵 在崇仁鄉宋建炎三年建明洪武三

年重修

皇清順治十二年建法堂

章鄉寺 卽資福庵

圓覺庵 順治八年里人李仲常建

文昌閣 在砂山貢修齡建

普門庵 在華墅里人吳子輔創建後削髮爲

僧

元通庵 在華墅貢鴻建

涌蓮庵 貢煒建

烈帝廟庵 在蔡涇鎮呂宇熙等募建

香梵庵 貢廷椿等建

元帝庵 貢廷椿建

護龍庵 貢修齡建

柏林庵 在香山東里人陳從堯建明天啓中

僧人海印增拓募修之今杭僧定生主守雖濱大江幾爲郵驛

祇樹庵 在陸家園康熙二年僧子緣建

宜興縣

法藏寺 原額基址六十畝今廢去四十八畝現存一十二畝山門殿宇等房共計一百零五間田七十畝

通真觀 原額基址四十一畝三分八釐八毫前廢去一十八畝八分見存基址池塘二十二

畝五分八釐八毫有殿宇及道會司等房共計八十間田一百三十九畝山四十二畝二分西法華寺 原額基址六畝四分七釐今見存五畝有零餘廢去山門殿宇等房共計五十間田六十畝零三分山八十畝

會真庵 原額基址一十畝有山門殿宇等房共計五十六間田一十六畝山八畝

中隱禪院 今名奇塘庵原額基址一十四畝八分有山門殿宇等房共計七十一間田六十

二畝山一十三畝

施水庵 原額基址五畝有山門殿宇等房共計二十一間塘五分山四畝五分

顯親寺 原額基址九畝有山門殿宇等房及蔣氏祠堂共計四十九間園地五畝

祠山宮 側有張仙殿原額基址三畝六分二釐有山門殿宇等房共計五十三間田二十四畝

法藏禪寺 在縣西南隅舊在縣西談村齊時

建名重居唐上元二年移建於縣南二里會昌間廢咸通中復宋大中祥符間賜額紹定初令趙與哲倡邑人重建大雄殿元末火燬明洪武初移建今地萬曆間勅賜藏經全部

皇清康熙二十年大殿前半傾佛像露邑令姚景崇延僧募修紳士信形家言殿不宜高將舊柱截去數尺五年乃成圖張兵道像於藏中先是兵道張奉諭屠宜城張不忍夜縊于東察院城得免屠宜民德之

善權禪寺 宋名廣教禪院在縣西南五十里  
永豐區齊建元二年以祝英臺故宅創建唐會  
昌中廢其址爲海陵鍾離簡之所得唐咸通中  
李司空蟻嘗肄業於此奏以私財贖之復建僧  
舍刻疏於石宋崇寧中傅待制楫以徽宗潛邸  
恩請爲墳剝宣和中改爲崇道觀建炎元年詔  
復爲院明改爲善權寺正統十年重建前有古  
松柏百餘株正德中僧負官租將鬻以償邑人  
陳裒捐百金以留之松柏地基五畝四分至今

陳氏收戶辦糧寺中有雷書偃柏古蹟也有三  
生堂乃唐司空李蟻宋宰相李綱學士李曾伯  
祠柱聯云一姓轉身三宰相三生造寺一因緣  
有六祠一祀宋撫幹陳宗道一祀宋待制丁貴  
方一祀明巡撫周忱一祀明邑令劉永基一祀  
明邑令饒京一祀明副使邵賢以上皆護法者  
皇清順治間僧掘偃柏而廢之毀三生神座爲禪堂  
又撤兩廡諸佛改爲僧房康熙十三年因所留  
僧衆多南北拳勇之徒欲毀陳撫幹宗道祠屋

以爲方丈不容陳氏子孫祭祀挺刃擊刺詬誶  
百端陳氏舉火藝寺白松焚死巡撫馬聞於朝  
陳氏罹大獄族長文彩曰吾死禍乃息耳吾何  
愛一死不以完吾宗族向公庭獨伏厥辜族人  
俱得釋文彩臨刑族人哭祭者數百人行道無  
不感泣其明年僧亦以抱快圓寂

大蘆禪寺 在縣西南橫山山亭區唐咸通二  
年里人張氏捨宅建名大蘆靈峯院宋太平興  
國中改禪林舊在山麓至和間徙今地有華嚴

閣明復大蘆禪寺

李山禪寺 在縣東北三十五里洞山鄉梁普  
通二年建唐元和名隱靜宋太平興國五年  
改禪寂明改李山禪寺

南嶽講寺 在縣西南十里南嶽山齊永明二  
年建唐天寶中稠錫禪師道場有洗腸池卓錫  
泉天然并有吳越全書法華經二帙藏於寺宋  
改勝果禪院鄒道鄉歸自嶺表卜居未遂李綱  
有乞取西庵踵道鄉之句紹定初重建法堂明

洪武二十四年改今額宣德六年重建寺前有  
大杉四株相傳明宣德間寺僧稠隱手植數百  
年常有神鳥棲於其上殿前有娑羅樹一株種  
自西域其實可療心痛

福聖教寺 在縣東北二十五里開寶區梁大  
同元年交州刺史楊師利捨宅建陳末定元年  
易名安國宋太平興國五年改爲福聖禪寺明  
改今名

利益教寺 俗名鍾離寺在縣西五十里神安

區梁天監十年建宋熙寧中加壽聖隆興中改  
廣德利益禪寺元末兵燬明洪武二十五年復  
建改今名宣德三年重建

復隆教寺 在縣西南五十里永豐區齊永明  
二年建名會善唐光化三年號龍溪彌勒上生  
道場宋熙寧三年賜號壽聖隆興間改伏龍禪  
院明改今名

皇清順治二年火八年僧顯忠募建

慧光教寺 在縣西五十里從善區本臨津縣

濟明寺唐武德八年縣廢寺亦燬上元元年移  
建今地天寶中更名圓照南唐保大三年勅封  
慧光禪寺宋太平興國五年改慧光寺明洪武  
二十四年改今名正統六年重修

金明教寺 在縣北三十里隋開皇中建名西  
域寺宋大中祥符元年改今名元末兵毀明洪  
武初復建

芙蓉寺 在縣西南四十里山亭區芙蓉山唐  
乾元初建名乾元寺宋熙寧三年改聖壽寺有

三到亭昔大毓禪師駐錫於此與龐居士問答  
紹興八年了禪師為記有龐居士三到斯山之  
語隆興初改廣福禪院元至正丙申兵燬明洪  
武二十年重建改教寺永樂正統間重修尋毀  
嘉靖元年重修萬曆九年正殿燬長洲徐顯卿  
另建採芝亭三間建正殿三十六年史孟麟建  
講堂今燬

皇清順治初年山寇起僧散寺頽僧自閒率法嗣岳  
慧經營興復岳慧歸雲峯自閒適圓寂寺又頽

廢岳慧再來主席墾荒建殿功勝於創邑人徐  
啗鳳碑記

金沙禪寺 在縣東南四十里均山區陸希聲  
讀書山房卽此宋熙寧三年賜名壽聖金沙隆  
興初改廣福金沙禪寺明嘉靖年間僧貧寺鬻  
中丞杭雙溪捐資贖之後厥嗣頤泉孫子宣從  
唐荆川萬履菴往遊諭使拓成先志復給田山  
屋宇延善覺僧人員珂居守之縣令方金湖爲  
之肖像立扁於內隆慶六年寺僧真驥延寶山

庵僧德份協力募助重建殿宇

普門禪寺 在縣西百里清西區洮湖中大伾  
山上唐元和五年建後修建不一

慧明禪寺 在縣西北九十里臨洮湖唐上元  
二年建名淨土後改善覺會昌中廢南唐保大  
八年重建復號淨土宋改今額元末燬明洪武  
中重建正統九年修

保安禪寺 在縣東北二十里開保區保安山  
南麓陳末建二年建名末安一云唐天祐二年

周承祐捨宅建名保安宋熙寧三年更名壽聖  
保安隆興初又名廣福乾道間周叅政葵請爲  
墳刹改崇恩彰孝寺明初復今名正統間建千  
佛閣大殿前有垂柏一株連數抱而中若剖裂  
四圍皆透見枝葉甚繁亦木之奇者也相傳爲  
唐宋時所植殿後有汪藻撰周叅政碑

顯德禪寺 在縣西南六十里唐上元二年建  
名末業一云南唐保大中崔顥捨宅建名善慶  
宋太平興國五年更名保寧爲禪院宣和四年

復禪寺建炎三年王樞密淵死其子琦請爲墳  
刹改報國顯德元末廢明洪武十九年重建

皇清順治八年丁祠等重建觀音大殿

崇慶禪寺 在縣北五十五里梁普通二年建  
名養安宋治平三年改今額明洪武四年重建  
正統九年重修

法性寺 在縣北五十里梁普通二年建名白  
塔一云唐乾元初建名聖像光啓二年改今額  
後廢明洪武二年重建

開勝寺 在縣西南五十里從二區胥堂村唐  
 上元二年建宋熙寧中改壽聖隆興中改廣福  
 開勝元末兵毀明洪武十四年重建崇禎三年  
 重建正殿

圓寂禪寺 在縣南二十五里舊傳荆溪尊者  
 道場宋太平興國二年賜額元廢

承福禪寺 在縣西北七十里梁天監中建後  
 廢圯宋熙寧中重建元末燬

崇報寺 在縣東南四十里宋嘉泰中袁叅政

說友請為墳刹賜額元末廢明末樂中重建  
 大潮福源禪寺 在縣東南五十餘里均山區  
 明末樂初年修撰吳成學不肯降附迯至宜興  
 縣沈暉之祖榮留匿於家後削髮為僧號雪庵  
 榮為築室於山名大潮庵正統十二年僧道性  
 重建奏請以廢寺福源舊名移入本庵為大潮  
 福源禪寺可其請景泰四年勅賜藏經一部建  
 閣藏之

皇清順治七年僧行楫重修增置寺田一百二十畝

顯親追孝禪寺 舊在法藏寺東為寺別院宋  
 建中靖國元年蔣樞密之奇請為墳刹賜今額  
 元至正元年僧方厓建聽秋軒於萬竹間丙申  
 年兵毀明洪武初僧成大移建今地二十五年  
 僧智明等募貲重建萬曆二十八年邑人吳正  
 志重建聽秋軒崇禎九年周大沂捐金濬放生  
 池

崇興寺 在縣西南二十五里元大德十年僧  
 玠寧建明洪武十七年重建正統十三年再建

靜樂寺 在縣西南二十里銅官山側唐乾元  
 初建明洪武間重建宣德七年再建

碧雲寺 在縣西南六十里金泉區煙山宋嘉  
 泰十四年建元末廢明正統七年重建今名報  
 恩光孝禪寺天啓元年僧大緣建石佛殿再建  
 鐵佛殿

棲雲寺 在縣西南六十餘里末豐區煙山宋  
 紹興間樞密王淵與僧了寧共建明洪武十七  
 年毀後僧德昇重建隆慶間廢萬曆三十六年

衆力重建

海會寺 初名庵在縣南四十里元至正中建

明末樂六年重建天順二年改寺嘉靖癸丑年

重修

衍慶寺 舊名邵塢庵在縣西南三十里宋乾

道二年建明洪武十年重建天順二年賜寺額

福源寺 俗名爲新寺在縣治東南七里許瑞

雲山宋景定間創建明初頽廢景泰間誥封太

子太傅徐琳營壙此山增修爲墳刹

廣福寺 距縣九里宋紹興中建今毀

西法華寺 在縣西北隅宋咸淳二年建明洪

武中僧處元重修嘉靖三十年僧文昂重建正

殿隆慶五年萬曆二年山門廊廡僧法明鼎新

皇清初年兵毀順治四年重整

烏聖寺 在邑東南十五里明天啓五年建

毘盧寺 在邑東南四十里湖汶鎮順治七年

建通判熊坊記邑人徐嗜鳳書碑

楓隱禪寺 在南岳寺北孝廉吳洪裕別業順

治七年捨建

彰善寺 俗名陽山寺在縣東北三十里周孝侯故居旁宋樞密郭三益捨宅建

虞山寺 在縣北二十五里虞山與保安寺相近並稱古刹建造年月未詳

潮音寺 在縣東北三十里陽山寺西明萬曆年間柳道人於孝感墩前洲上築基創建

普覺庵 在縣南六十里大乘山宋乾道四年僧人建明宣德三年僧淨覺再建

無相庵 在縣西北七里元至治四年建

清隱庵 在縣東南七十里元至正五年建明

正統五年重建萬曆四十六年再建

正覺庵 在縣西南一百里太平山元至元三

年建明洪武中重建有石塔

寂照庵 在縣南七十里均山區元至正二年

僧無極建其僧有善行累創梵刹學士承旨危素為撰塔銘明景泰元年邑人吳煥重其文刻

於中隱禪院

壽昌庵 在縣東南五十里均山區荆溪尊者  
建宋咸淳間僧副蘭重建元至正間僧弘辨修  
明末樂間僧善達重建又一在伍賢區未詳創  
建歲月

西畚庵 在縣西南四十里從一區元大德元  
年邑人蔣榮五建明萬曆丁亥裔孫芸重修  
蔣庵 在縣西南六十里宋咸淳間建

潘山庵 在縣西六十里元至正中僧募建  
普明庵 在縣西南七十里宋咸淳二

年僧人建明正統元年重建

福泉庵 在縣西南八十里鳳飛嶺晉義興守  
劉超建為墳刹元至正中僧人重建明正統間  
僧法桂等修嘉靖間僧真耀再修邑人周大賚  
捐貲相助

普濟庵 在縣西南九十里元至正中建明洪  
武間重建又一所在縣西五十里艾墅村創建  
年月無考

萬善庵 在縣東北四十餘里洞山區元大德

八年僧靜信建明僧志圓重建

衍慶庵 在縣西北二十五里成任區元至治

元年建明洪武十五年僧德智重建

慧日庵 俗名上塘庵在縣東十五里聞寶區

元大德八年僧無極建明洪武初僧可明重修

永樂間重建成化十一年僧覺澄重整殿宇嘉

靖中僧海潤重修

觀音庵 在縣西南八十里坡陀岡元至正三

年建

東隱庵 在縣東十八里開寶區宋咸淳二年

僧無極建明洪武中僧自源重建崇禎九年僧

通秀重建大殿

皇清順治丁酉增建禪堂

般若庵 在縣西二十里吳赤烏年間建明時

火燬邑人陳于廷捐貲移建本村東南

古城庵 在縣西北二十五里元大曆二年建

後兵燬明宣德二年里人陸友仁建

普覺庵 在縣西七十里神安區元元統二年

僧智仁建明正統二年重建

古竹庵 在縣東北十五里開寶區宋乾道中

建明嘉靖十一年毀十四年重建

一心庵 在縣西南八十里泰山側元至正間

僧寧一源建明正統十年僧海裕重建

大乘庵 在縣西南四十里蒲墅村元至正二

年鄉民募建明洪武中守禦官湯旺重修

廣果庵 去縣三十里元至正十年僧智明建

皇清康熙二十一年僧普淳重建

公文庵 在縣西北十五里公文村官河之內

宋咸淳二年建後再建明嘉靖中重修武進唐

翰林與門人王升輩講學於此因改公為工

西域庵 一名高城庵在縣西北三十里宋熙

寧十年僧有田建明末樂二年僧智澄重建

崇先庵 在縣東北四十里下邳村明洪武中

僧繼源建宣德五年僧文飾重建

皇清康熙二年重建

廣濟庵 在縣東北五十里元至元間僧性虛

建明宣德三年邑人陳剛重建

報恩庵 在縣東北七十里元至元中僧益堂

創建明洪武十五年僧惠暹重建又一所在縣

東北四十五里僧真公建後兵燬明洪武二年

邵德修建

施水庵 今名寶興院在縣南門外一里宋紹

興二年建明宣德元年重建嘉靖四年重修

皇清康熙十年重建大殿并茶亭

鹿峯庵 在縣南二十里宋咸淳間建

順慶庵 在縣東南五十里唐貞觀六年建

大聖庵 在縣東南五十里清泉區宋嘉定七

年僧應閣黎建明洪武二十四年僧古航重建

宣德七年僧宗堅重修嘉靖中僧廣義增置石

柱佛殿山門

昌福庵 在縣東南三十里清泉區元至正間

建明洪武十五年僧廣太虛重建

慈照庵 在縣東南六十里均山區元至正四

年僧竹房建明洪武中僧末寧重建

龍華庵 在縣東二十里清泉區宋咸淳間建  
明洪武十八年移建於邵萬八園西圩

敬親庵 在縣西南五十里途山舊傳為陸希  
賢功德院宋熙寧三年移建於侍郎橋西元至

正間重建

福慶庵 在縣東九里滄浦灣唐乾元中建明

正統六年僧與里人陳剛共建

普福庵 在縣東南四十五里清泉區元至元

中開禪師建明正統二年僧洪助重建

興福庵 在縣西四十里五賢區元至正二年

僧茂山建明正統十二年重建

郵堂庵 在縣西六十里從善區唐上元二年

僧大寧建明末樂中僧玉琳再建

胡墅庵 在縣西北七十里宋淳祐間僧大乘

建明正統十年僧淨覺重建

善慶庵 在縣西六十里萬畝圩宋嘉定間僧

妙法建明正統九年僧可力重建

餘慶庵 俗名楊舍庵在縣西四十五里五賢

區宋紹興十五年僧了悟建明洪武十三年僧永興再建正統三年僧永安再建嘉靖十八年僧德曦重建大殿

圓通庵 在縣西四十五里周聰圩元至正二年建

妙泉庵 今名妙泉院在縣西北七十里琅玕山宋咸淳二年僧原祥建明建文四年僧价旻重建宣德七年僧文琳再建前有龍潭周廣三丈深不可測

黃石庵 在縣西南九十五里西山崖上有天生石橋一座丹竈一穴世稱黃石公嘗煉丹於此齊建元三年僧明玉建明正統七年僧智亨重建

報德庵 在縣西南七十里城坎村宋治平三年僧道興建明洪武中僧本正重建

勝壽庵 在縣西南八十里金泉區俞山元至正三年建明正統六年再建

敬享庵 在縣西南二十里山亭區宋紹興十

古今圖書集成  
考三之三十三  
一年建明永樂二年重建天啓二年僧貧將毀  
邑人萬象新捐貲畱之

皇清順治四年重建

福源庵 今名寺在縣西南五十里從三區紫  
雲山元至正二年建有石井可丈餘泉泛如沸  
大旱不竭因以名庵元末兵燬明正統四年重  
建明末正殿毀

皇清順治八年丁祠捐銀三百兩與僧圓融重建邑  
人顧一讓平陵馬世俊撰碑記

寂慶庵 在縣西七十里埠頭村元大德間建

敬先庵 在縣西北二十五里毫村宋宣和中

里人尹凱之與僧建明正統間裔孫尹弼重修

後桂庵 今名淨明在縣西北十五里成任區

元至正二年建明永樂元年重建

永福庵 在縣西南四十五里宋咸淳二年創

建明末樂二年僧善成重建

顯祖庵 在縣東北四十里唐門村宋淳祐間

建後兵毀明洪武中僧永嵩重建

福善庵 在縣北七里宋咸淳二年僧燈庵建  
明正統元年僧宗展募貲重建

潘山庵 在縣東南五十五里湖汶鎮明嘉靖  
間邑人王玘鼎新萬倉捨田五畝四分以供香

火

大士庵 在縣東南三十六里清泉區明弘治

中徐元相建萬曆十三年道人吳普明重修

茅庵 在君山絕頂明嘉靖中僧道澄建萬哲

助山一百畝

慶福庵 在縣西南五十里宋紹興八年李綱

建明萬曆十四年里人李金儉重建

新莊庵 在清西區新莊橋

終隱庵 在縣西北五十里談村明初許茂却

聘隱居於此故名今為禪院

任勝庵 在縣西南五十里元至正元年里人

董楠建

皇清順治十五年董昌重修

泗州庵 在縣西南八十里張渚鎮奉祀袁府

君像明末樂中創建後晉陵唐鶴徵捨地拓基里人陳允迪捐貲重建

香雲庵 在縣西北十八里高遙橋北明成化十五年建萬曆二年重修崇禎丙子年僧人募建正殿

白雲庵 在縣西六十里大樹村元至正元年里人丁達善建

白菓庵 在縣西六十里壅村明景泰三年里人丁貞捨基道人黃福募建

皇清康熙十一年僧慈照募建正殿

五雲庵 在縣西南五十餘里龍溪渡康熙元年募建茶亭

靜壽庵 在縣東北六十五里蔣灣山宋咸淳二年建明洪武四年重建崇禎間重修

松村庵 舊名顯教庵在縣東北五十里三洞橋北唐貞觀間建明初有道者大書松村二字於壁遂名松村

崇善庵 在縣東北四十五里崇真道院之西

明萬曆年間僧心閒創建

皇清康熙十八年重建山門

高隱庵 在縣北七里明萬曆年間邑人湯兆

京記

皇清康熙八年僧隱初重建

高士庵 在縣東北二十里明萬曆年間繆希

雍湯兆京建吳興朱國楨題額

東庵 在從善區芳莊明萬曆二十八年吳承

裕捐貲建

廣福庵 在從善區蔣墅明萬曆中建

覺斯庵 在縣東北二十里邑人蔣龍光記

準提庵 在縣西門外康熙六年邑人曹恂倡

建史可程記十八年修

憩雲庵 在縣西南八十里麻山峽順治九年

建

淨土庵 在縣西關南順治中建康熙中修

覺逸庵 舊名東山草堂在畫溪之濱明周延

儒山莊子庶常奕封捨莊為庵延龍池僧超隱

居之面山而臨水竹樹蔭翳足增畫溪之勝  
禮庵 在縣西南五十里善權洞口於康熙十  
四年曹洞第三十世前住持善權寺僧寒松特  
建守百愚和尚塔邑人徐喈鳳書額  
沈龍庵 在東關外水浮地明洪武初年建嘉  
靖年間修鎮東流之水故也

皇清康熙九年邑人路序新安汪懋燧倡舉放生會  
以東關潭為放生河周啓禱作記勒碑於庵門  
禹門興化禪院 在縣西南七十里龍池山上

宋咸淳中建有龍湫雞冠石捨身石白雲岩山  
峯特峻眺望可數百里景色陰晴旦暮各異元  
重建

聖感禪院 在縣西北七十里山亭區蕭齊永  
明元年建名香勝唐廣明中更名護國禪林宋  
太平興國五年改今額明萬曆年間僧清瑾重  
建大殿

中隱禪院 俗名奇塘庵在縣東北一里開寶  
區元大德中建邑人蔣贊等捐助明正統十三

年重修

慈雲庵 在縣西南七十里浯橋村宋咸淳元

年建後兵燬明末樂中重建明末傾圮

皇清康熙十年修

普明庵 在縣西北六十里山亭鄉元建明洪

武末重建嘉靖隆慶間道人談惠鼎新之

大聖院 在縣北三里開寶區唐顯慶三年僧

大方建宋咸淳二年僧妙智修明末樂中僧宗

瑜重建正德十年僧道全修景泰四年里人蔣

冕修萬曆十四年僧照所重建大殿俞霑記又

一所在縣西北七十里神安區唐元和六年鐵

牛和尚建明末樂二年僧茹芝宣德二年僧如

玘等先後重建

福田院 在縣西北二十五里毫村宋淳祐二

年建明洪武十八年重建正統九年修

普照院 在縣西北二十里宋天祐二年建明

末樂十六年重建正統五年里人重建

大覺院 在縣西南九十里白塔山宋咸淳元

年建明宣德中修萬曆中重修天啓間再修

南隱禪院 在縣南三十里象山麓元至正三

年建明正統五年僧法雲再修

慧林禪院 在縣東北六十里百瀆明嘉靖五

年杭奎捐貲建爲杭中丞香火崇禎十四年修

靜山堂 在縣北二里許開寶區唐開元間建

僧休心重建唐時圍碑尚存

皇清順治年間僧超祖建禪堂重修大殿康熙二十

一年重修

白蓮堂 在成任區域塘元大德二年建明洪

武十八年重建正統十一年復建

大聖堂 在縣西北七十里清東區元泰定元

年創建明洪熙元年僧法仁修

泗州堂 在縣西南八十里明洪武十四年里

人吳得建

樂善堂 在南門大街邑人曹亮武倡募施棺

有年因捐樓房三進基地三分五釐協捐者周

世傑萬袞侍萬廷詔而助資修葺則蔣庠復也

皇清康熙二十一年又募周氏空基二分建屋育嬰  
飯僧

磬山禪院 在縣東南六十里明天啓中建

接待禪院 在縣北二十里元延祐四年建

永興禪院 在縣東南六十里鳳川山中有山

一百畝田二十畝前朝舊刹兵火燬壞里人張

四維捐貲重建殿宇煥然

仁澤禪院 在縣北三里順治十一年邑人吳

友忠捐貲建

安樂淨院 在縣北一里弔橋東順治十三年  
建

香潔禪院 在縣東南二十里清泉區順治十

四年邑人吳益同僧自証建

天相院 在縣西四十里安樂橋明洪武初建

真武廟

皇清康熙丙午霞溪陸氏捨基重建改今名

觀音堂 在縣西南五十餘里從善區下莊明

嘉靖中里人丁七捨宅建

通真觀 在縣東南隅陳太建二年建名宏道  
唐神龍中改興道宋大中祥符二年賜額元通  
避國諱改今名有北極閣南唐保大中道士馮  
道京建閣前有井井西有手植雙柏色極蒼翠  
今不存蜀人盧縕文提刑過此題曰雙樹婆娑  
三十年江南秀色上參天宋大觀二年侍郎鄒  
忠公浩宿道士周希信房題其軒曰一覺所蓋  
以夢覺等其身則慨然論事臨大節而不可奪  
也明洪武二年道士王秋碧復建正統中道會

談景真等再建勅賜道藏經一部安奉玉皇閣  
嘉靖三十年經閣並燬惟勅見存而觀宇圯甚  
隆慶六年道會王元志閔似默以觀乃祝聖習  
儀之所募歛商朱永首捐金三百兩倡率鼎新  
萬曆十二年道士談圓慧募建文昌閣於大殿  
之南邑人萬士和記萬曆十六年陳令移建鑾  
駕庫於殿東北隅

皇清順治十五年邑人周奕封捨樓木三間道會王  
尚賢捐貲鼎建文昌閣四間於殿後東側康熙

九年以大殿將傾往洞庭山席氏家募化金五百兩至十六年以貲不繼復往他處募之道士張一諫竟卒於外蔡尚質等踵成其事

冲寂觀 在縣西五十里神安區官村唐弘道

元年周選捨宅爲觀名凌霞宋大中祥符元年改元寂八年避國諱改今名初南唐時有道士許堅來遊題詩云云俗傳選因宅并有白兔升天遂捨宅爲觀明正統二年重建

洞靈觀 今名天申宮在縣南四十里均山區

張公洞前單氏風土志云吳赤烏年間建初爲

佛寺唐開元元年萬惠昭天師投龍至此奏復

爲觀元宗御賜題額後兵毀許用晦丁卯集有

詠洞靈觀冬青樹詩南唐保大三年道士周敬

微繪圖奏請遂賜營建韓熙載碑云奮御筆以

題額賜洞靈之美名宋大中祥符四年賜金帛

一新棟宇乾道六年賜額天申萬壽宮明洪武

二年道士陳清源復建後廢宣德二年道會談

惟一構屋數楹僅存其址觀前石柱六如華表

插天上刻時泰定三年住山李勳募建今仆其

一

會真庵 在縣西門外社稷壇前唐混康劉真人插蘆於地枯蘆成葦遂創此庵宋建炎二年重建後兵毀明洪武二年道士范道真等重修末樂初尚書蔣守約以樂舞生由此發軔宣德間道士屠景芳重修正德中道士徐元祚再修嘉靖中道士吳應仁重建正殿萬曆二年道士盧德膺重建大殿萬士和記

太平衍慶觀 在縣西五十里五牧村今廢

迎真道院 在縣西南七十里東毫陽元泰定

三年道士鄭師正建有岳聖堂猶存

華陽道院 在縣西南七十里東霞埠宋建炎

二年茅山宗師劉混棲真於此明洪武中重建

末樂中再建

崇真道院 在縣東北四十五里洞山區唐開

元二年建後兵毀明正統年重建

玉潭仙院 在縣東南玉女潭之上明嘉靖中

溧陽史際建勅賜今額今廢

龍王殿 在琅玕山離城八十里其建置年月

無考明萬曆中重修

真武堂 一在周孝侯廟後南向明萬曆初建

一在縣西南七十里張渚鎮道士陸末德建一

在縣西北四十里板清圩元皇慶二年邑人吳

仲名建嗣孫吳彥德重修一在縣西澗橋南一

在清泉區徐禧蕩明萬曆中道人郭定元募建

邑人徐封捨地勒碣俞霑等並撰碑記餘各村

坊多有建置不一

三官堂 在縣北三十三里和橋鎮元泰定四

年建明成化乙酉邑人邵珪撰記萬曆元年盜

毀道士陳自綱重建一在縣東南四十里蠡墅

村明萬曆中建

皇清康熙九年里人袁文茂重修

地藏殿 在縣西南八十里太華山明天啓四

年建

靖江縣

崇聖寺 舊在今縣城西南十七里衙前港宋  
淳熙二年建明成化八年建縣十年令張汝華  
遂遷寺於縣城東門內爲習儀祝釐之所有大  
雄殿有山門有法堂嘉靖二十一年建天王殿  
於大雄殿前三十二年令汪玉毀法堂而四十  
四年令柴喬復修之隆慶中令張秉鐸建鐘樓  
於山門內立碑記焉萬曆六年僧會思復捐貲  
重新三十四年令朱勳移法堂稍東以其址建  
藏經閣又買西畔地構樓而寺前臨街之萬壽

坊則四十二年令趙應璵所建崇禎十年僧會  
了凡捨己貲二百金及募紳衿士民貲重建大  
雄寶殿大金蓮座法身三尊了凡又同本師祖  
齡將本房田二百餘畝變價五百餘金奉令陳  
函輝命改建鐘樓於天王殿前東偏併新山門  
天王殿萬壽坊濬四眼義井而舊設贍寺香火  
田二十畝蓋貲出僧會復置

皇清康熙十二年鄭重復建二十年令胡必蕃重建  
大殿鐘樓

東塔寺 在東門外與河北明萬曆二十三年  
令朱邦憲從形家言以此地當與宜建文峰邑  
光祿朱正約乃建塔方至三層未竣而卒後四  
十六年令劉志斌捐俸首倡合通縣力成之原  
香火田一十六畝皆出自光祿今田爲後人攘  
去矣

孤山寺 在邑東北十里當靖未置縣隸泰興  
時自漢唐以來嘗著靈異殿宇之設從來久矣  
循山南路而上路半有坊曰躡雲舊路頗峻漸

今改折而西登層臺右梵宇稍南爲土神祠更  
西折達北爲山門門東盤石上有三茅真君祠  
門西南高址爲仙人臺古柏數百株青葱多蔭  
觀音庵在其下山門左右列俱僧寮直北向有  
室爲山之重門更進登大崇臺爲山之中址有  
殿曰東嶽行宮明正德十年王令棨霄建臺下  
廡東西向卽殿之翼衛也殿後高數丈有廳以  
恣客遊廳後突起復五六丈高止矣是曰孤山  
之巔有樓焉額曰環玉以山在江中故也令趙

應旛書定水恆沙表其上時董太史元宰適至  
趙令之座師也因乞題額董爲書曰海柱峰後  
樓圯扁盡毀山僧智函更募建之其柏竹雜樹  
皆令易幹所植

皇清順治六年邑人陸璿復修葺之

護國寺 在馬洲書院令陳函輝建以連年災  
祲不時蝗蝻繼起特建故名

釣臺寺 在縣西八里和尚港東建於明弘治  
前後爲風潮漂沒無存

証聖寺 一名正聖寺在縣西二十里范家港  
明萬曆年間坍去續移建於孫祠鎮西卽名東  
岳殿寺鐘鐵爐至今猶存

古崇聖寺 在陳公港宋元時卽有之舊志云  
其遺址旁有僧塔今亦不存嗣僧覆茅以繼香  
火今住持慧澤稍崇飾之如制

鎮海寺 在西沙去縣四十里始創於明萬曆  
戊午至崇禎年僧會了凡同祖師齡奉邑令陳  
函輝命捐貲建

未慶寺 在縣東北二十五里明弘治年建

皇清順治十六年重修山門殿凡四重

長安寺 在縣西南隅今廢

東嶽行宮 一在東新港柴令喬因故址重建

明萬曆間坍乃遷於焦山團紫微宮之前邑人

陸本魯助田三畝捐金二百餘一在隱山團孫

祠堂之西萬曆年間因証聖寺臨坍移建於此

邑人張卿重修其殿基係本僧自置

三元行宮 一在祠山殿東北地一畝六分一

在永慶團址五畝田五畝有奇里民鞠舜建

天妃宮 在瀾港明崇禎中里人褚氏建未幾

坍毀

皇清康熙五年邑令鄭重重建

楞嚴庵 在北門外址十三畝梵宇門廡皆備

明萬曆末邑人沈其旋爲戒衲海門倡建其墓

塔在焉董思白題其額

放生庵 在城內東北隅舊有小池半畝許乃

朱氏廢地令陳函輝見之曰此中可放生於是

邑人朱大楨捐地太學朱維炳募建庵請九華僧修琮居之

一了庵 又名一廖庵在巡檢司港西已坍今在王都港基地七畝皆僧自置

太平庵 去縣西十五里明弘治間建鄭令翹廢隆慶間里人復建前殿鐘樓五間後禪室左右有廂萬曆中重修

大慈庵 在長安團太學孫培純捐貲建有香火田二十畝

白雲庵 在邑西南長安團界明萬曆末建有香火田一十二畝

萬壽庵 在邑東南二十五里耿公團明萬曆二十八年邑民孫祥倡建有香火田八畝九分藥師庵 原係張公殿明萬曆初邑諸生朱肇穆建後朱侯勳增修易今名址二畝六分在東開東六里永慶團

海會庵 在永慶團新港里民劉鈿建

淨業庵 在孤山團香火田併基地共九畝

普度庵 在孤山團明天啓末太學鄭維翰建

文殊庵 在新港逸民張可建

淨土庵 在孤山南流水港僧福募邑人秦元

超建

靈雲庵 卽火神廟在北門外通濟橋畔明崇

禎中建

未寧庵 在西洪沙浹往港西崇聖寺僧恭信

福如建

湧蓮庵 在小沙團大港東

未鎮庵 在西寧鎮西北里許邑人葉之綦建

集福庵 在廟樹港

淨土庵 在天王港楊末橋東明天啓中邑人

蔡元超建

如來庵 在東門外三官殿北基二畝明崇禎

中建

善慶庵 在東門外秦家橋

白衣庵 在百家港

大覺庵 在邑東北三十里卜家港東明崇禎

未建

潮音庵 在江陰黃田港口明萬曆末年邑令趙應旟以爲渡江而南無停憩之所因於港口買地一畝構小庵使靖僧居之靖縣中納其稅其中香火皆靖士民供之有令勿募江陰今舊址已坍沒庵移於百步之內然靖士民之供猶然也

如來庵 在瀾港新橋西明嘉靖三年邑民朱文達建

萬壽庵 在北門外

眞武殿 在北門外二里明萬曆末邑民楊汝

文修後重建禪堂請邑令改題爲法藏庵

朝陽殿 在西門外直街盡處明成化十年建

中祀嶽神崇禎十一年邑人朱家棧重新之

祠山殿 在東門外直街盡處舊基地二分二

釐門一殿一而已明末邑人夏起潛謀於衆於

殿後拓地一畝餘建禪堂前後五楹左右廂各

三楹

玉皇殿 凡二一在邑西南寒山開旁基地十畝山門二間殿堂禪堂各五間明嘉靖中有僧募建萬曆末重修題曰華嚴庵又邑東五里有小庵亦名玉皇殿規制差小

張公殿 在蘇家港公水神也邑東埧甚丞孫京令民迎神於浙之蕭山縣歸祀之數月後民見神燈數百蔽江而來布滿於祠前江口自此漸漲年餘得平沙十餘里邑西之民謀曰神之靈如是哉因夜往迎神像而祀之於西未幾西

亦漸漲於是南北江口皆有張公殿

總觀音殿 不知創自何時舊志吳赤烏間牛

郎建然無可考去縣西十里故老云明洪武初有四殿其東南二殿壞於潮邑人乃遷二殿神像同祀於此故有總觀音之稱今改名法在庵地藏殿 凡二一在東門外三官殿東基一畝

二分殿門各五間左右廂各三間明萬曆四十四年僧直彩募建有香火田七畝僧自置一在縣西四十里許民黃晚成同高凌漢倡建香火

田二十一畝

三官殿 在縣東門外稍北基一畝六分  
明萬曆四十二年建舊制甚備後毀今惟殿三間兩廂各三間

烈帝殿 卽鵝雲庵在北關外順治五年邑令高攀龍同衆鄉紳建

三茅觀 在南門外胡公祠西基二畝五分  
前門三楹中觀三楹後道舍二十楹明隆慶四年建

元真觀 卽紫微宮舊志云三國吳赤烏元年建不知何據明景泰三年易今額然邑人猶仍故稱在縣西南十七里衙前港正德十年重修旋坍沒萬曆初年遷於草觀音庵之南

延禧觀 一名三官殿在邑西二十五里隱山團明天啓中邑簿楊鳴鳳捐俸建復施田二十餘畝贍香火

觀音堂 在縣西五里許大河邊原係陳姓其人者建

皇清康熙五年邑紳朱鳳台於廟前造房三間遇夏施茶遇冬施姜湯并施田十畝命僧主之

三義廟 在斜橋鎮明天啓三年倪大立建

如來庵 在斜橋鎮下順治十三年倪允陞建並施香火田三十畝僧住持

福聚庵 在南門外順治十年韓宏奎捐貲建

引善庵 在東關末慶團邑人徐大就建并助香火田二十畝命僧主之

太靈宮 在東關外康熙十九年邑民高玉林

捐屋五間朱一鷺修建山門左右兩廂七間

悟真觀 在東關外康熙九年周演道建基九分八釐

龍王廟 在元山團大河邊康熙十四年邑民

劉國建有香火田四畝

寶善庵 在元山團順治十六年邑民俞芝建有香火田一畝八分

大悲庵 在縣後順治年間邑人建

普光殿 在元山團順治二年邑紳葉輝建捐

香火田五畝

繼善觀 在永慶團康熙十三年邑民孫耀建  
紫極宮 在永慶團倪家流漕康熙二年邑民  
戴皇恩建捐香火田五十畝

永甸庵 在焦山團濟陽港邊明崇禎年間里  
人江呈文秀建

文武殿 在邑西四十里西寧鎮明天啓年間  
建造

法喜庵 在邑西四十里焦山團朱東港邊明

末里人王民信建有香火田四十畝

皇清康熙中重修增置田十七畝

天龍庵 在邑西四十餘里隱山團毘盧市南  
舊名玉皇殿順治年間建康熙年間重修

石相三官殿 在邑西二十里隱山團生祠鎮  
明末崇禎初年建

大慈宮 一名永興觀在邑西三十餘里隱山  
團康熙年間邑民江陸丁常高倡建各置香火  
田五畝

育嬰堂 邑紳朱鳳台捐房屋一所平沙課田  
二百畝范公理孫君望各捐銀十兩  
惜字庵 邑紳朱鳳台捐屋九間課田十六畝  
朱五其劉質先鮑懷瑾懷琮各捐課田一畝

